

Laporan interim 1MDB tidak boleh didedahkan kepada umum, kata timbalan speaker
The Malaysian Insider
July 27, 2015
Oleh Eileen Ng

Laporan interim Ketua Audit Negara (AG) berhubung 1Malaysia Development Bhd (1MDB) tidak boleh didedahkan kepada umum sehingga ia dibentangkan kepada Parlimen, kata Timbalan Speaker Dewan Rakyat Datuk Ronald Kiandee.

Ia susulan perdebatan antara dua ahli Parlimen berhubung pendedahan hasil siasatan ke atas syarikat sarat hutang itu kepada umum.

Kiandee dalam twitter rasminya @rkiandee berkata: "Laporan Ketua Audit Negara sudah diserahkan kepada Jawatankuasa Kira-Kira Wang Negara (PAC) dan kini ia menjadi sebahagian daripada bukti. (Oleh itu) Peraturan Mesyuarat 85 adalah terpakai".

Peraturan Mesyuarat 85 menyatakan mana-mana penerbitan asal bukti dan keterangan atau "keterangan yang diambil mana-mana jawatankuasa yang dipilih dan apa-apa dokumen yang dikemukakan kepada jawatankuasa itu tidak boleh disiarkan oleh mana-mana ahli jawatankuasa itu, atau oleh mana-mana orang lain, sebelum ia membentangkan laporan berkenaan kepada dewan".

Kiandee turut menulis catatan tweetnya itu kepada Menteri Kesejahteraan Bandar, Perumahan dan Kerajaan Tempatan, Datuk Abdul Rahman Dahlan. – 27 Julai, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/laporan-interim-1mdb-tidak-b-oleh-didedahkan-kepada-umum-kata-timbalan-speak>